



## IZVJEŠTAJ O RADU

### VIJEĆA NACIONALNIH MANJINA FEDERACIJE BOSNE I HERCEGOVINE ZA 2022. GODINU

Odluku o imenovanju članova Vijeća nacionalnih manjina Federacije Bosne i Hercegovine je donio Parlament Federacije Bosne i Hercegovine, na sjednici Predstavničkog doma, održanoj 24.01.2022.godine i na sjednici Doma naroda, održanoj 24.02.2022.godine. Odlukom su imenovani članovi Vijeća nacionalnih manjina FBiH, posebnog savjetodavnog tijela Parlamenta Federacije Bosne i Hercegovine. Za članove Vijeća imenovani su:

1. Elma Softić Kaunitz – Jevrejka
2. Mišo Čirko – Rusin
3. Dervo Sejdić – Rom
4. Edin Sejdić – Rom
5. Mehmed Suljić – Rom
6. Elvisa Jusić – Romkinja
7. Emin Fafulić – Rom
8. Alaga Suljić – Rom
9. Nermin Geca – Turčin
10. Violeta Džolan – Rumunka
11. Džemina Zejnullahu – Albanka
12. Vladimir Lukačević – Čeh
13. Davorka Drijenčić – Slovenka
14. Bruno Palestra – Italijan
15. Irma Muratović – Mađarica
16. Dejan Piotrovski – Poljak
17. Emil Bakoš – Slovak
18. Hidajeta Redžić – Crnogorka
19. Velibor Kuvač – Nijemac
20. Admira Biberović – Romkinja
21. Davor Ebner – Austrijanac
22. Zehra Obarčanin – Makedonka

Vijeće nacionalnih manjina u 2022. godini održalo je **devet sjednica**.

**Konstituirajuća sjednica Vijeća je održana 14.4.2022. godine.** Za predsjedavajuću je izabrana Hidajeta Redžić, predstavnica crnogorske nacionalne manjine a za potpredsjedavajuće su izabrani Dervo Sejdić, predstavnik romske nacionalne manjine i Džemina Zejnullahu, predstavnica albanske nacionalne manjine u Vijeću.

**Druga sjednica Vijeća je održana 26.5.2022. godine.** Na drugoj sjednici Vijeće je donijelo sljedeći:

### **ZAKLJUČAK**

Vijeće nacionalnih manjina smatra da je naknada od sto konvertibilnih maraka za rad u Vijeću u odnosu na visinu budžeta sramotna, da je Vijeće u odnosu na druga radna tijela Parlamenta FBiH diskriminirano Odlukom Administrativne komisije Predstavničkog doma, te Vijeće nacionalnih manjina FBiH traži uvećanje naknade.

**Treća sjednica Vijeća je održana 2.6.2022. godine.** Na trećoj sjednici Vijeće je donijelo sljedeći:

### **ZAKLJUČAK**

Vijeće nacionalnih manjina će nastaviti rad u ovom sazivu u okviru Zakona i mišljenja nadležnih Ministarstava, uz obavezu da će se za sljedeći mandat, kada budu finalizirane izmjene i dopune Zakona, provesti transparentniji izbor članova Vijeća nacionalnih manjina.

**Četvrta sjednica Vijeća je održana 24.6.2022. godine.** Na četvrtoj sjednici Vijeće je donijelo sljedeći:

### **ZAKLJUČAK**

Shodno sastanku kojeg smo imali u martu 2022. godine i na kojem smo iznijeli svoje primjedbe i dileme koje su prisutne u važećem zakonu a i ponuđenom dokumentu Nacrta Zakona, očigledno je da predlagač ovog Nacrta nije uzeo u obzir sve primjedbe Vijeća nacionalnih manjina Federacije Bosne i Hercegovine, odnosno sugestije koje smo iznosili na istom.

Uzimajući navedeno u obzir, Vijeće nacionalnih manjina Federacije Bosne i Hercegovine, kao posebno, savjetodavno tijelo Parlamenta Federacije Bosne i Hercegovine, aktivno analizirajući ponuđeni Nacrt, nastaviti će svoj snažan angažman na izmjeni i dopuni postojećeg Zakona. Shodno tome Komisiji za ljudska prava i slobode Predstavničkog doma Parlamenta Federacije BiH Vijeće nacionalnih manjina Federacije Bosne i Hercegovine će u najkraćem roku dostaviti svoje konkretne komentare i prijedloge na dostavljeni Nacrt Zakona.



**Peta sjednica Vijeća je održana 1.7.2022.godine.** Na petoj sjednici Vijeće je donijelo sljedeći:

### ZAKLJUČAK

Vijeće nacionalnih manjina usvaja komentar crnogorskog udruženja na Nacrt Zakona o zaštiti prava pripadnika nacionalnih manjina u Federaciji Bosne i Hercegovine („Službene novine Federacije BiH“, broj:56/08)- ovlaštenog predlagača Komisije za ljudska prava i slobode Predstavničkog doma Parlamenta Federacije BiH, uz poziv udruženjima drugih nacionalnih manjina zastupljenih u Vijeću da dostave dvoje prijedloge kao dopune Komentara. Komentar sa svim dopunama i prijedlozima će se kao potpuni materijal dostaviti Komisiji za ljudska prava Predstavničkog doma Parlamenta FBiH, uz naznaku podnosioca dopune komentara.

**Šesta sjednica Vijeća je održana 31.08.2022. godine.** Na šestoj sjednici Vijeće je donijelo sljedeći:

### ZAKLJUČAK

Izostao je politički koncenzus među političkim partijama, manjak empatije za brojna pitanja koja su od vitalnog interesa nacionalnih manjina FBiH. Deklarativna podrška postoji koja ne daje nikakve efekte.

Izrada nacionalnog programa za najugroženiju nacionalnu manjinu - Rome, na bazi realnih pokazatelja, bila bi snažna politička poruka, koja bi se odaslala samim njegovim usvajanjem.

**Sedma sjednica Vijeća je održana 06.10.2022. godine.** Na sedmoj sjednici Vijeće je donijelo sljedeći:

### ZAKLJUČAK

Vijeće nacionalnih manjina Federacije Bosne i Hercegovine do kraja 2022. godine organizirati će sastanak/konferenciju kojoj će pored predstavnika misije OSCE-a u BiH, Ureda Vijeća Europe u BiH i predstavnika komisija za ljudska prava i slobode oba doma Parlamenta FBiH, prisustvovati i predstavnici svih Vijeća nacionalnih manjina iz Bosne i Hercegovine i na kojoj će biti analizirani propisi o nacionalnim manjina, a prvom redu Zakon o zaštiti prava pripadnika nacionalnih manjina u Gederaciji Bosne i Hercegovine, i na kojoj će biti predložene konkretne izmjene i rješenja. Zadužuje se Predsjedavajuća Vijeća da Administrativnoj komisiji

Predstavničkog doma Parlamenta Federacije BiH uputi zahtjev za korištenje sredstava za organizaciju spomenutog sastanka/ konferencije.

**Osmo sjednica Vijeća je održana 11.11.2022. godine.** Na osmoj sjednici Vijeće je donijelo sljedeće zaključke:

#### **ZAKLJUČAK I**

Vijeće nacionalnih manjina Federacije Bosne i Hercegovine će angažovati eksperta za ljudska prava koji će pratiti i zastupati interese nacionalnih manjina kada su u pitanju izmjene i dopune Zakona o zaštiti prava nacionalnih manjina Federacije Bosne i Hercegovine, a koji će biti finansiran iz budžeta kojim raspolaže Vijeće.

#### **ZAKLJUČAK II**

Vijeće nacionalnih manjina će sklopiti sporazum o realizaciji sa Udruženjem „Kali Sara“, za ustupanje žiro-računa na koji bi se uplatila sredstva iz budžeta kojim Vijeće raspolaže, za organizaciju zajedničke sjednice/konferencije svih vijeća nacionalnih manjina iz BIH na temu izmjene i dopune propisa o nacionalnim manjinama (uz učešće Vijeća Europe i OSCE).

**Deveta sjednica Vijeća je održana 19.12.2022.godine.** Na devetoj sjednici Vijeće je donijelo sljedeće zaključke:

#### **ZAKLJUČAK I**

Zadužuju se članovi Vijeća nacionalnih manjina FBiH da do 31.12.2022.godine dostave prijedloge zahtjeva koje će Vijeće razmatrati na narednoj sjednici, te uputiti ih Parlamentu Federacije Bosne i Hercegovine.

#### **ZAKLJUČAK II**

Ostavke na članstvo u Vijeću se ne prihvataju. Članovi koji su podnijeli ostavke u Vijeću nacionalnih manjina ovim zaključkom ih povlače.

#### **ZAKLJUČAK III**

Vijeće nacionalnih manjina će uvećati svoj Finansijski plan za 2023. godinu za 20%, zbog povećanja troškova koji su nastali uslijed inflacije, kako bi Vijeće u punom kapacitetu bilo u mogućnosti ostvariti svoje ciljeve.



U skladu sa zaključcima koje je donijelo Vijeće nacionalnih manjina Federacije Bosne i Hercegovine na sjednicama u 2022. godini, upućeni su u 2022. godini sljedeći:

### DOPISI

1. Odgovor na dostavljenu informaciju Vijeća nacionalnih manjina Bosne i Hercegovine, upućen 13.1.2022. godine Vijeću nacionalnih manjina Bosne i Hercegovine, broj : 04/5-022358/21;
2. Zahtjev za hitno donošenje Odluke o isplati naknada članovima Vijeća nacionalnih manjina Federacije Bosne i Hercegovine, upućen 4.4.2022.godine Administrativnoj komisiji Predstavničkog doma i Doma naroda Parlamenta Federacije Bosne i Hercegovine, broj: 04/5-02-708/22;
3. Informacija o postupku izbora članova Vijeća nacionalnih manjina Federacije Bosne i Hercegovine, upućena 11.05.2022. godine Predsjednici Komisije za ljudska Prava Doma naroda Parlamenta Federacije, gđi. Ivi Raguž, broj: 04/5-02-1003/22;
4. Zahtjev za prisustvovanje sjednici Administrativne komisije Predstavničkog doma Parlamenta Federacije Bosne i Hercegovine, upućen 11.5.2022. godine Predsjednici Komisije, gđi. Meliki Mahmudbegović. broj: 04/5-02-1004/22;
5. Informacija o postupku izbora članova Vijeća nacionalnih manjina Federacije Bosne i Hercegovine, upućena 11.05.2022. godine Vijeću nacionalnih manjina Bosne i Hercegovine, g.Andriji Svatoku i g.Tihomiru Knežičeku, broj: 04/5-02-957/22;
6. Odgovor na žalbe, upućen 23.5.2022. godine Federalnom ministarstvu pravde, Udruženju Romkinja „Bolja budućnost“ Tuzla, UG Omladinska romska inicijativa „Budi mi prijatelj“ Visoko, Udruženje Romkinja Centar za majke „Nada“ Kakanj, Ugruženje građanja italijanskog porijekla „ Rino Zandonai“ Tuzla, broj: 04/5-02-916/22;
7. Komentar Vijeća nacionalnih manjina Federacije Bosne i Hercegovine na Nacrt Zakona o zaštiti prava pripadnika nacionalnih manjina FBiH („Službene novine FBiH“, br.56/08) predlagača Komisije za zaštitu ljudskih prava i sloboda Predstavničkog doma Parlamenta FBiH, koji će biti na sjednici Vijeća 1.7.2022.godine, upućen 24.6.2022.godine Komsiji za zaštitu ljudskih prava i sloboda, gđi. Miomirki Melank, predsjednici, broj: 01/4-02-1389/22.

**PREDSJEDAVALA**  
**Hidajeta Redžić s.r.**